



Ք Ա Ղ Վ Ա Ծ Ք Ն Ե Ր

ԳԵՐԱԳՈՅՆ ՀՈԳԵՎՈՐ ԽՈՐՀՈՐԴԻ ՆԻՍՏԵՐԻ ԱՐՁԱՆԱԳՐՈՒԹՅՈՒՆՆԵՐԻՑ

1958 թ. ՀՈՒՆՎԱՐԻ 10-Ի ՆԻՍՏԻՑ

Գերագույն Հոգևոր Խորհրդի սույն նիստում, Վեհափառ Հայրապետի բարձր նախադաշնության տակ, քննարկվեց Հայ և Անգլիկան եկեղեցիների միջև բարեկամական ավելի սերտ հարաբերություններ հաստատելու նպատակով, առաջիկա բանակցությունների հարցը և որոշվեց, Քեմտրեբրիի Արքեպիսկոպոս Նորին Ամենապատվություն դոկտ. Զեոֆիլի Ֆիշերի համաձայնությունը ստանալուց հետո, 1958 թվականի ընթացքում Երուսաղեմի հայոց Ս. Հակոբյանց վանքում հրավիրել առաջին ժողովը:

Վեհափառ Հայրապետի անունից և Հայաստանյայց Եկեղեցու կողմից միջեկեղեցական այդ բանակցություններին կմասնակցեն Երուսաղեմի հայոց ընտրյալ պատրիարք ամենապատիվ Ս. Տիրան արքեպիսկոպոսը որպես նախագահ, Արևմտյան Եվրոպայի Հայրապետական պատվիրակ և Փարիզի հայոց առաջնորդ գերապատիվ Ս. Սերովբե եպիսկոպոս Մանուկյանը և մի վարդապետ:

Միջեկեղեցական այդ ժողովի օրակարգի մշակումը թողնվել է երկու պատվիրակությունների հայեցողությանը: Երուսաղեմի այդ ժողովը պետք է հանդիսանա հայ և Անգլիկան եկեղեցիների միջև փոխադարձ իրար հասկացողության լուսարանիչ ժողով:

1958 թ. ՀՈՒՆՎԱՐԻ 24-Ի ՆԻՍՏԻՑ

Գերագույն Հոգևոր Խորհրդի սույն նիստում մեծ ուրախությամբ քննարկվեց Վեհափառ Հայրապետի ծննդյան 50-ամյակը (20 սեպտեմբերի 1908 թ.) և դահակալության կրթող տարեդարձը համազգային հանդիսությամբ և լայնորեն նշելու հարցը և որոշվեց.

1) Վեհափառ Հայրապետի ծննդյան 50-ամյակի ուրախ առիթով, մինչև 1958 թվականի սեպտեմբեր ամիսը լույս ընծայել Վեհափառ Հայրապետի կենսագրություն ու սրբատառ կոնդակների և քարոզների մի հատընտիր, 20—24 տպագրական մամուլ ծավալով, մի հատորում:

2) Կազմել հոբելյանական հանձնաժողով հետևյալ կազմով. Մայր Տաճարի լուսարարապետ և Գերագույն Հոգևոր Խորհրդի ատենապետ գերաշնորհ Ս. Սահակ արքեպիսկոպոս Տեր-Հովհաննիսյան (նախագահ), Հոգևոր Ճեմարանի վերատեսուչ գերաշնորհ Ս. Հայկազուն եպիսկոպոս Աբրահամյան, Գերագույն Հոգևոր Խորհրդի անդամներ պրոֆ. դոկտ. Ա. Ղարիբյան, պրոֆ. Ա. Առաքելյան և դոցենտ Ա. Տիրացյան, Հոգևոր Ճեմարանի փոխ-տեսուչ հոգեշնորհ Ս. Մեսրոպ վարդապետ Անթարյան (քարտուղար) և «Էջմիածին» ամսագրի խմբագիր պր. Ա. Հատիսյան:

1958 թ. ՓԵՏՐՎԱՐԻ 13-Ի ՆԻՍՏԻՑ

Գերագույն Հոգևոր Խորհրդի սույն նիստում հաստատվեց Շիրակի նորընտիր թեմական խորհրդի հետևյալ կազմը. հոգեշնորհ՝ Տ. Հայրիկ վարդապետ Ավետիսյան (առաջնորդական փոխանորդ)՝ նախագահ, արժանապատիվ Տ. Հակոբ ավագ քահանա Քելամյան, արժանապատիվ Տ. Նորայր քահանա Սարգսյան, Հովհաննես Գործակալյան, Ներսես Ներսիսյան, Հովհաննես Ստեփանյան, Գրիգոր Աղիլյան և Գևորգ Հատիտյան՝ անդամներ:

Սույն նիստում հաստատվեց նաև Արարատյան թեմի նորընտիր թեմական խորհրդի կազմը, որի մեջ մտնում են հոգեշնորհ Տ. Վահան վարդապետ Գալամդարյան (առաջնորդական փոխանորդ)՝ նախագահ, արժանապատիվ Տ. Սարգիս քահանա Անդրեասյան (քարտուղար), արժանապատիվ Տ. Հովսեփ քահանա Քյուսկյան, Պարգև Շահբազյան, Գրիգոր Կյուլյան, Սուրեն Թարալյան և Խաչիկ Վարդանյան՝ անդամներ:

1958 թ. ՓԵՏՐՎԱՐԻ 28-Ի ՆԻՍՏԻՑ

Գերագույն Հոգևոր Խորհրդի սույն նիստում լավեց Մայր Աթոռ Ս. Էջմիածնի գլխավոր հաշվապահ պր. Գառնիկ Քեհայանի գեկուցագիրը հայրենի և Սովետական Միության մեր եկեղեցական թեմերի (Արարատյան, Շիրակի, Աղբրեջանի, Վրաստանի, Հյուսիսային Կովկասի) 1957 տարվա բյուջեների կատարման և 1958 թվականի նախահաշիվների քննարկման և հաստատման մասին:

Գերագույն Հոգևոր Խորհուրդը մանրամասն քննելուց հետո գեկուցագիրը, որոշեց հաստատել թեմերի 1957 թվականի հաշվետվությունները և 1958 թվականի նախահաշիվները:

1958 թ. ՄԱՐՏԻ 7-Ի ՆԻՍՏԻՑ

Գերագույն Հոգևոր Խորհրդի սույն նիստում կարգացվեց Մոսկվայի և Համայն Ռուս

սիո Պատրիարք Նորին Սրբություն Ալեքսիի հրավեր նամակը, ուղղված Վեհափառ Հայրապետին, սույն թվականի մայիսի կեսերին Մոսկվայում կայանալիք Ռուս Պրովոսլավ եկեղեցու Պատրիարքության վերահաստատման 40-ամյակին նվիրված հանդիսությունների մասնակցելու մասին:

Գերագույն Հոգևոր Խորհուրդը սիրով ընդունեց Նորին Սրբության հրավերը և խնդրեց Վեհափառ Հայրապետին՝ անձամբ գլխավորել Ռուս Պրովոսլավ եկեղեցու Պատրիարքության վերահաստատման 40-ամյակի հանդիսություններին մասնակցելու հրավերված Հայաստանյայց Առաքելական եկեղեցու պատվիրակությանը, որի կազմի մեջ են մտնում, որպես ուղեկիցներ, գերաշնորհ Տ. Սահակ արքեպիսկոպոս Տ. Հովհաննիսյանը և գավազանակիր հոգեշնորհ Տ. Մեսրոպ վարդապետ Անթարյանը:

Գերագույն Հոգևոր Խորհրդի սույն նիստում որոշվեց Վեհափառ Հայրապետի անունից ողջունի շնորհավորական հեռագիր ուղարկել նորակազմ Միացյալ Արաբական Հանրապետության նորընտիր նախագահ Նորին Գերազանցություն պր. Գամալ Արգել Նասիրին՝ նրա նախագահ ընտրության երջանիկ առիթով:

1958 թ. ՄԱՐՏԻ 21-Ի ՆԻՍՏԻՑ

Գերագույն Հոգևոր Խորհրդի սույն նիստում լավեց Մայր Աթոռի տնտեսաֆինանսական կառավարչության պետ պր. Հ. Սեդգարյանի գեկուցումը Մայր Աթոռի 1958 թվականի եկամուտների և ծախսերի նախահաշիվի մասին:

Գերագույն Հոգևոր Խորհուրդը քննեց Մայր Աթոռի 1958 թվականի տարեկան բյուջեն ըստ գումարների և հոգվածների և հաստատեց այն:

1957 թվականի հաշվետվությունը Գերագույն Հոգևոր Խորհրդում կրկնվի վերստուգել հանձնաժողովի ստուգման աշխատանքների ավարտից հետո, արդյունքների մասին գեկուցագրի հետ միասին:

